



Imlitir 0053/2011

Chuig: Údaráis Bhainisteoireachta na mBunscoileanna, na nIarlbhunscoileanna, na bPobalscoileanna agus na Scoileanna Cuimsitheacha Aitheanta agus Príomhfheidhmeannaigh na gCoistí Gairmoideachais

Maolú teoranta ar an lánchosc ar Phoist Fhreagrachta a líonadh don scoilbhliain 2011/12.

1. Tús eolais

Is mian leis an Aire Oideachais & Scileanna a chur in iúl d'údaráis scoile agus do Phríomhfheidhmeannaigh na gCoistí Gairmoideachais go ndéanfar maolú teoranta ar an lánchosc atá i bhfeidhm ón 27 Márta 2009 ar phoist fhreagrachta a líonadh.

Díreofar an maolú teoranta sin ar na scoileanna sin a bhfuil easnamh Leas-Phríomhoidí orthu de dheasca an lánchoisc. Bearta maolaithe teoranta iad seo agus cúram a bheidh ann do scoileanna i gcónaí dualgais lucht na bpost freagrachta a atheagrú agus tosaíochtaí a cheapadh ina measc i bhfianaise an lánchoisc atá i bhfeidhm.

An Roinn a chinnfidh an leibhéal maolaithe a bheidh i gceist ar leibhéal na scoile aonair nuair a bheidh na hiarratais faighte agus pictiúr níos soiléire againn de líon iomlán na bhfolúntas atá ann agus den leibhéal maolaithe is gá.

Beidh an lánchosc i bhfeidhm i gcónaí faoi mar a bhí ón 27 Márta 2009 ar líonadh post freagrachta folamh ar leibhéal na ndualgas speisialta lena n-áirítear aon fholúntas a leanann ardú céime go Leas-Phríomhoide faoi na socrúithe maolaithe seo.

Ba cheart an Imlitir seo a léamh in éineacht le hImlitir 0022/2009 na Roinne maidir le cur i ngníomh an lánchoisc.

Beidh an maolú teoranta i bhfeidhm ar bhonn eatramhach don scoilbhliain 2011/12 agus athbhreithneoidh an Roinn é roimh thús na scoilbhliana 2012/13.

2. Leibhéal na mBunscoileanna

Breithneofar iarratas ar mhaolú teoranta ó scoileanna a raibh ar a laghad 400 dalta cláraithe acu an 30 Meán Fómhair 2010.

Bunscoileanna a chomhlíonann na critéir thuas agus ar mian leo maolú teoranta a fháil, ba cheart dóibh an **fhoirm iarratais ag Aguisín 1** a chomhlánú agus a chur chuig Rannóg Leithdháiltí Bunscoile na Roinne roimh **Dé Máirt an 20 Meán Fómhair 2011.**

3. Leibhéal na nIarbhunscoileanna

Iarbhunscoileanna a chomhlíonann na critéir thuas agus ar mian leo maolú teoranta a fháil, ba cheart dóibh an **fhoirm iarratais ag Aguisín 2** a chomhlánú agus a chur chuig Rannóg Leithdháiltí Bunscoile na Roinne roimh **Dé Máirt an 20 Meán Fómhair 2011.**

Déanfaidh an Roinn cinntí eatramhacha, más gá, go luath i mí Mheán Fómhair ar iarratais ar mhaolú ó scoileanna atá buailte go dona ag an lánchosc agus atá go mór faoi bhun na dtairseach cuí do Leas-Phríomhoide i láthair na huaire.

Seo mar a fheidhmeoidh na bearta maolaithe ar leibhéal na n-iarbhunscoileanna:

(i) Poist fhreagrachta Leas-Phríomhoide

Scoileanna atá faoi bhun na dtairseach do LP de réir an tábla thíos, féadfaidh siad iarratas ar mhaolú ar leibhéal Leas-Phríomhoide a dhéanamh chuig an Roinn. Scoileanna ar dóigh leo go mbeidh siad faoi bhun na dtairseach de thoradh folúntais nó folúntas ar leibhéal LP a bhfuil súil leis nó leo sa chuid eile den scoilbhliain 2011/12, féadfaidh siad iarratas a dhéanamh ar mhaolú, leis.

Tá an sceideal sa tábla thíos bunaithe ar chlárú aitheanta daltaí ar chúrsaí ceadaithe. Is iad líon na ndaltaí cláraithe na daltaí sin a bhí cláraithe i scoileanna an 30 Meán Fómhair 2010.

Clárú Daltaí (30/9/10)	Tairseach na bpost Leas-Phríomhoide in iarbhunscoileanna aonair a fhágann gur ceadmhach do na scoileanna sin <u>iarratas</u> a dhéanamh ar mhaolú chuig an Roinn
< 100	0
100-199	1
200-299	2
300-399	3
400-499	4
500-699	5
700-899	6
900-1099	7

> 1100	8
--------	---

Ní mór poist fhreagrachta atá ag múinteoirí ar bhonn pearsanta amháin a chomhaireamh agus líon na bpost mar Leas-Phríomhoide á ríomh.

(ii) Poist mar Chomhordaitheoir Cláir ar leibhéal Leas-Phríomhoide

Féadfaidh scoileanna iarratas a dhéanamh chuig an Roinn don scoilbhliain 2011/12 ar mhaolú teoranta ar an lánchosc atá ar fholúntais i bPoist mar Chomhordaitheoirí Cláir ar leibhéal Leas-Phríomhoide a líonadh. Cinnfear an méid maolaithe a thabharfar ag féachaint do staid iomlán gach scoile maidir le poist Leas-Phríomhoide.

(iii) Stiúrthóir Aosoideachais ar leibhéal Leas-Phríomhoide:

Féadfaidh scoileanna iarratas a dhéanamh chuig an Roinn don scoilbhliain 2011/12 ar mhaolú teoranta ar an lánchosc atá ar fholúntais i bPoist mar Stiúrthóir Aosoideachais ar leibhéal Leas-Phríomhoide a líonadh. Cinnfear a mhéad maolaithe a cheadófar nuair a bheidh líon na n-iarratas ar eolas.

4. Íoc an Liúntais do Phost Freagrachta

Déanfar an íocaíocht le héifeacht ó dháta an cheapacháin i bPost Freagrachta sa scoilbhliain nua.

5. Ceisteanna

Ba cheart ceisteanna i dtaobh na socruithe maolaithe seo a chur chuig na seoltaí ríomhphoist seo a leanas:

Bunscoileanna: chuig: PrimaryAllocations@education.gov.ie

Iarbhunscoileanna: chuig: Allocations@education.gov.ie

Hubert Loftus
Príomhoifigeach
An Rannóg Leithdháileadh Múinteoirí

Lúnasa 2011

Foirm Iarratais do Bhunscoileanna ar mhaolú don scoilbhliain 2011/12 maidir le poist fhreagrachta ar leibhéal Leas-Phríomhoide

Iarrtar ort a nótaíl gurb iad na bunscoileanna sin a raibh ar a laghad 400 dalta cláraithe iontu an 30 Meán Fómhair 2010 agus iad sin amháin a cháileoidh do mhaolú.

Ainm na Scoile:	
Seoladh na Scoile:	
Uimhir rolla:	
Uimhir fóin theagmhála:	
Seoladh ríomhphoist teagmhála:	
Clárú daltaí @ 30 Meán Fómhair 2010	
Cá mhéad post Leas-Phríomhoide atá sa scoil seo faoi láthair? (an líon @ Meán Fómhair 2011)	
Cá mhéad duine a bhfuil post dualgas speisialta acu sa scoil seo faoi láthair? (an líon @ Meán Fómhair 2011)	
Cá mhéad post Leas-Phríomhoide a mheastar a bheidh sa scoil seo @ 30 Meitheamh 2012 bunaithe ar fholúntais Leas-Phríomhoide a mheastar a thiocfaidh chun cinn sa chuid eile den scoilbhliain 2011/12.	
I gcás gach folúntais Leas-Phríomhoide a mheastar a thiocfaidh chun cinn sa chuid eile den scoilbhliain 2011/12 tabhair an dáta ar a tharlóidh an folúntas sin agus an chúis leis (m.sh. dul ar scor srl.)	
Dáta	An chúis leis an bhfolúntas a bhfuil súil leis ar leibhéal LP

Deimhním thar ceann an Bhoird Bhainistíochta go bhfuil an t-eolas thuas cruinn.

Síniú: _____

Teideal: _____

Dáta: _____

Ba cheart foirmeacha iarratais comhlánaithe a chur chuig an Rannóg Leithdháilte Bunscoile in oifigí na Roinne i mBaile Átha Luain roimh **Dé Máirt an 20 Meán Fómhair 2011 nó ar an lá sin.**

Aguisín 2

Foirm Iarratais d'Iarbhunscoileanna ar mhaolú don scoilbhliain 2011/12 maidir le poist fhreagrachta

Iarrtar ort a nótaíl gurb iad na hiarbhunscoileanna sin a bhfuil líon Leas-Phríomhoidí acu atá faoi bhun na dtairseach nó a mheastar a bheidh faoi bhun na dtairseach atá leagtha amach sa tábla i Roinn 3 den Imlitir seo atá cáilithe chun iarratas a dhéanamh ar mhaolú maidir le poist fhreagrachta ar leibhéal Leas-Phríomhoide.

Ainm na Scoile:	
Seoladh na Scoile:	
Uimhir rolla:	
Uimhir fóin theagmhála:	
Seoladh ríomhphoist teagmhála:	
Clárú daltaí @ 30 Meán Fómhair 2010	
Cá mhéad post Leas-Phríomhoide atá sa scoil seo faoi láthair? (an líon @ Meán Fómhair 2011)	
Cá mhéad duine a bhfuil post dualgas speisialta acu sa scoil seo faoi láthair? (an líon @ Meán Fómhair 2011)	
Cá mhéad post Leas-Phríomhoide a bheidh sa scoil seo @ 30 Meitheamh 2012 bunaithe ar fholúntais Leas-Phríomhoide a mheastar a thiocfaidh chun cinn sa chuid eile den scoilbhliain 2011/12.	
I gcás gach folúntais Leas-Phríomhoide a mheastar a thiocfaidh chun cinn sa chuid eile den scoilbhliain 2011/12 tabhair an dáta ar a tharlóidh an folúntas sin agus an chúis leis (m.sh. dul ar scor srl.)	
Dáta	An chúis leis an bhfolúntas a bhfuil súil leis ar leibhéal LP

Má tá iarratas á dhéanamh ar mhaolú maidir le post mar Chomhordaitheoir Cláir ar leibhéal Leas-Phríomhoide tabhair an dáta ar tharla an folúntas (nó a mheastar go dtarlóidh sé) agus an chúis leis

Dáta	An chúis leis an bhfolúntas a bhfuil súil leis ar leibhéal Comhordaitheora Cláir

Má tá iarratas á dhéanamh ar mhaolú maidir le post mar Stiúrthóir Aosoideachais ar leibhéal Leas-Phríomhoide tabhair an dáta ar tharla an folúntas (nó a mheastar go dtarlóidh sé) agus an chúis leis

Dáta	An chúis leis an bhfolúntas mar Stiúrthóir Aosoideachais ar leibhéal LP

Deimhním thar ceann údarás na scoile go bhfuil an t-eolas thuas cruinn.

Síniú: _____

Teideal: _____

Dáta: _____

Ba cheart foirmeacha iarratais comhlánaithe a chur chuig an Rannóg Leithdháiltí Iarbhunscoile in oifigí na Roinne i mBaile Átha Luain roimh **Dé Máirt an 20 Meán Fómhair 2011 nó ar an lá sin.**